

KOMISIJA ZA TUMAČENJE KOLEKTIVNOG UGOVORA ZA DJELATNOSTI PREDŠKOLSKOG ODGOJA I OSNOVNOG ODGOJA I OBRAZOVANJA U KANTONU SARAJEVO

Na osnovu člana 172. Kolektivnog ugovora za djelatnosti predškolskog odgoja i osnovnog odgoja i obrazovanja ("Službene novine Kantona Sarajevo", broj: 24/22, 40/22 i 7/24 – u daljem tekstu: Kolektivni ugovor), Komisija za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo na 28. sjednici održanoj 21.06.2024. godine, donijela je

**Autentično tumačenje člana 112. stav (1) Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo
(„Službene novine Kantona Sarajevo“, broj: 24/22, 40/22 i 7/24)**

„Član 112.

(1) Plan korištenja godišnjeg odmora, uz konsultacije sa sindikalnim povjerenikom, utvrđuje direktor.“

Citirana odredba člana 112. stav (1) Kolektivnog ugovora, a u vezi sa članom 111. st. (1) i (2) Kolektivnog ugovora znači da je direktor ustanove, prije utvrđivanja plana korištenja godišnjeg odmora koji se odnosi na sve radnike u ustanovi navedene u članu 111. stav (1) Kolektivnog ugovora, obavezan u pisanom obliku da konsultuje sindikalnog povjerenika. Plan korištenja godišnjeg odmora treba da sadrži sve bitne podatke iz kojih je jasno vidljiv ukupan broj dana i termini korištenja godišnjeg odmora.

Odluka o autentičnom tumačenju člana 112. stav (1) Kolektivnog ugovora je donesena na 28. sjednici Komisije održanoj 21.06.2024. godine jednoglasno konsenzusom.

ČLANOVI KOMISIJE

Abid Fejzić, predstavnik Poslodavca

Edina Pašić, predstavnik Poslodavca

Saudin Sivro, predstavnik Sindikata

Envera Šukman, predstavnik Sindikata

**KOMISIJA ZA TUMAČENJE KOLEKTIVNOG UGOVORA ZA DJELATNOSTI
PREDŠKOLSKOG ODGOJA I OSNOVNOG ODGOJA I OBRAZOVANJA U
KANTONU SARAJEVO**

MINISTARSTVO ZA ODGOJ I OBRAZOVANJE KANTONA SARAJEVO
n/r ministrice

**SAMOSTALNI SINDIKAT OSNOVNOG OBRAZOVANJA I ODGOJA FBIH -
KANTONALNI ODBOR KANTONA SARAJEVO**
n/r predsjednika

PREDMET: Dostava tumačenja po zahtjevu

Komisiji za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: 24/22, 40/22 i 7/24 - u daljem tekstu: Kolektivni ugovor) obratio se Sindikat, kao jedna od ugovornih strana, vezano za molbu Sindikalne podružnice Javne ustanove Osnovna muzička škola Ilidža, broj: 01-71/2024 od 30.05.2024. godine koja se odnosi na tumačenje člana 112. stav (1) Kolektivnog ugovora, a u vezi sa članom 111. st. (1) i (2) u dijelu utvrđivanja sadržaja plana korištenja godišnjeg odmora, trajanja i korištenja godišnjeg odmora u dijelovima.

U vezi s navedenim, obavještavamo Vas da je Komisija za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo na svojoj 28. sjednici održanoj 21.06.2024. godine, donijela autentično tumačenje člana 112. stav (1) Kolektivnog ugovora, koje Vam dostavljamo u prilogu ovog akta, radi dostavljanja istog podnosiocu zahtjeva za tumačenje.

Podsjećamo da je članom 172. Kolektivnog ugovora propisano da tumačenja Komisije imaju pravnu snagu i učinak ovog Kolektivnog ugovora te da je obaveza Ministarstva za odgoj i obrazovanje Kantona Sarajevo da tumačenje objavi na službenoj internet stranici Ministarstva, a obaveza Sindikata je da tumačenje objavi na službenoj internet stranici Sindikata.

S poštovanjem,

**Komisija za tumačenje Kolektivnog ugovora za
djelatnosti predškolskog odgoja i osnovnog
odgoja i obrazovanja u Kantonu Sarajevo, s.r.**